

# Kain Su Kasá

Di unda Kain a haña su kasá? Talbes e pregunta ta parse insignifikante. Ma echu ta ku kontesta di e pregunta aki ta di suma importansia.

Nos konosé e storia bon. Dios a krea Adam i Eva i a pone nan den hòfi di Eden. Ma nan a desobedesé, a kome e fruta di konosementu di bon i malu, i a ser saká for di e hòfi. For di nan, mundu a ser poblá. Ma kon esei tabata pusibel.

Nos ta kòrda dos yu di Adam i Eva, Kain i e ruman ku el a asesiná, Abel. Ma kisas nos ta lubidá ku Beibel ta laga sa ku e promé pareha tabatin mas yu. "Ora Adam a biba 130 aña, el a enhendrá un yu hòmber...i a yam'é Sèt. Anto e dlanan di Adam, despues ku el a enhendrá Sèt, tabata 800 aña, i el a enhendrá mas yu hòmber i yu muhé" (Gènesis 5:3-4). E teksto aki ta indiká ku tabatin un pluralidat adishonal di yu hòmber i yu muhé. Josefus, e historiadó hudiu, a deklará, "E kantidat di Adam su yunan, segun tradishon antiguo, tabata 33 yu hòmber i 23 yu muhé." Nos no sa si Josefus tin rason, pero e teksto bíbliko ta indiká sigur ku Adam i Eva tabatin un mínimo di sinku yu hòmber i dos yu muhé.

Unda Kain, Sèt i nan rumannan hòmber a haña nan esposanan? E kontesta ta simpel: e yunan hòmber di Adam i Eva a kasa ku nan rumanan muhé òf sobrinanan. Pa nos esaki ta zona inkreibel. Nos tin dos problema básiko ku e kontesta aki.

1) Un problema biológiko. Nos tin ku kòrda ku Adam i Eva a ser kreá perfekto. Nan konstitushon genétiko tambe tabata perfekto. Dios Su maldishon no tabatin afekto te ora nan a hasi piká.

Aparentemente, e promé desendientenan di Adam i Eva no a eksperensia hopi mutashon genétiko dañino. P'esei e yunan di e promé pareha por a kasa sin temor di haña yu deformá. Ma dor e siglonan e mutashonnan dañino genétiko a multipliká. Awendia esaki por kousa problema ora parnan identiko ta eredá di tur dos mayor, loke tin mas chèns di sosodé den matrimonio ku famia yegá.

2) Un problema moral. Asta si genétiko no a preveni kasa ku ruman, tòg pa nos e ta parse kontra moralidat. Aparentemente esei no tabata e kaso e tempu e

Ta notabel ku Abraham, e gran hòmber di Dios, a kasa ku su ruman. Sara tabata ruman di parti di Abraham su tata (Gènesis 20:12). Tòg Dios a skoh'é pa ta tata di e nashon hudiu, sin kondená e echu aki. Tambe ta notabel ku Moises su tata, Amram, a kasa ku su tanta, Jokabed (Exodo 6:20).

Esaki tambe tabata e práktika di e faraonan (reinan) di Egipto pa tres generashon promé ku Moises. Nan a kasa ku nan mes famia pa garantisá ku e monarkia no ta sali for di nan famia. Ramesses II (1304 - 1212 B.C.), por ehèmpel, esun ku pusibelmente tabata e farao tempu ku Israel a sali for di Egipto, tabatin por lo ménos ocho esposa. Un di su esposanan tabata Henutmire, su ruman. Ademas tres di su otro esposanan tabata su propio yunan muhé: Bint-Anath, Meryetamun i Nebettawy.

No tabata te despues ku Israel a ser librá for di kaptividat na Egipto--hopi siglo despues di Kain--ku Dios a prohibí relashon seksual (e implikashon ta matrimonio) ku famia yegá (Levítiko 18:6-18; 20:10-21). Awor numa Dios a duna leinan ku lo a prohibí matrimonio di Abraham, tata di Moises, i Kain.

Algun persona ta imaginá ku mester tabatin mas hende den mundu pa Kain por a kasá. Ma Skritura ta deklará kla ku TUR ser humano ta desendiente di Adam i Eva. "E hòmber a pone nòmber di su esposa Eva pasobra t'é tabata mama di tur ser bibu" (Gènesis 3:20). No tabatin mas hende fuera di nan. Si nos ta para pensa un ratu, nos ta realisá ku e úniko manera pa poblá mundu kuminsando ku un pareha so, ta dor di ruman kasa ku otro.

Pakiku e pregunta aki ta asina importante? Pasobra Palabra di Dios ta deklará ku salbashon ta ofresé na desendientenan di Adam i Eva. Si Kain su kasá no tabata yu di Adam i Eva, anto hopi hende den mundu no ta desendiente di Adam i Eva i pues no ta pusibel pa nan ta salvá. Ma echu ta ku "piká a drenta mundu pa motibu di un hende" i awor "...tur mundu (ta)..kulpabel dilanti Dios" (Romanonan 5:12; 3:19). Dios "ta manda awor na tur kriatura na tur parti pa na kombertí" (Echunan 17:30). Nos tur por risibí Dios Su oferta di salbashon individualmente, pasobra nos tur ta desendiente di Adam i Eva.